



**Broj/Број:02 –50 –1-51-54/'06
Sarajevo/Сарајево, 21.2.2006.**

ZAPISNIK

54. sjednice Doma naroda Parlamentarne skupštine Bosne i Hercegovine, održane 21. februara i 10. marta 2006.godine

Sjednica je počela u 14,20 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 13 delegata.

Delegati Hasan Čengić i Osman Brka opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Za 54. sjednicu Doma naroda usvojen je sljedeći izmijenjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 53. sjednice Doma naroda;
3. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o zaštiti potrošača BiH;
4. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i njegovom uništavanju;
5. Zahtjev za razmatranje Prijedloga zakona o izmjenama i dopunama Izbornog zakona BiH, po hitnom postupku, u skladu s članom 99. Poslovnika – (predlagači: Halid Genjac, Ilija Filipović i Boško Šiljegović);
6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj politici BiH, po hitnom postupku, u skladu s članom 99. Poslovnika;
7. Prijedlog budžeta institucija BiH i međunarodnih obaveza BiH za 2006. (prvo čitanje);
8. Prijedlog zakona o izvršenju budžeta institucija BiH za 2006. (prvo čitanje);
9. Imenovanje člana Vijeća Regulatorne agencije za komunikacije BiH;
10. Izvještaj Ureda za reviziju finansijskog poslovanja institucija BiH o izvršenoj reviziji za 2004. godinu:
 - Agencije za državnu službu BiH
 - Agencije za rad i zapošljavanje BiH
 - Agencije za statistiku BiH
 - Agencije za unapređenje stranih investicija u BiH

- Centra za uklanjanje mina BiH
 - Direkcije za civilno zrakoplovstvo BiH
 - Direkcije za evropske integracije BiH
 - Direkcije za implementaciju projekta CIPS
 - Državne agencije za istrage i zaštitu
 - Državne granične službe BiH
 - Generalnog sekretarijata Vijeća ministara BiH, kabineta i službi
 - Institucije ombudsmena za ljudska prava BiH
 - Instituta za akreditiranje BiH
 - Instituta za standarde, mjeriteljstvo i intelektualno vlasništvo BiH
 - Izborne komisije BiH
 - Konkurencijskog vijeća BiH
 - Ministarstva civilnih poslova BiH
 - Ministarstva komunikacija i prometa BiH
 - Ministarstva odbrane BiH
 - Ministarstva pravde BiH
 - Ministarstva sigurnosti BiH
 - Ministarstva vanjske trgovine i ekonomskih odnosa BiH
 - Ministarstva vanjskih poslova BiH
 - Ministarstva za ljudska prava i izbjeglice BiH
 - Pravobranilaštva BiH
 - Predsjedništva BiH
 - Regulatorne agencije za komunikacije BiH
 - Službe za zajedničke poslove institucija BiH
 - Suda BiH
 - Tužilaštva BiH
 - Ureda za veterinarstvo BiH
 - Ustavnog suda BiH
 - Komisije za otvaranje i prihvatanje ponuda za korisnike budžeta institucija BiH
 - Programa revitalizacije zgrade institucija BiH
 - Arhiva BiH
 - Komisije za imovinske zahtjeve raseljenih lica i izbjeglica – CRPC
 - Ministarstva finansija i trezora BiH
 - Parlamentarne skupštine BiH
 - Komisije za zaštitu nacionalnih spomenika BiH
 - Visokog sudskog i tužilačkog vijeća BiH
11. Izvještaj o radu Državne regulatorne komisije za električnu energiju u 2005. godini;
 12. Davanje saglasnosti za ratifikaciju Protokola o saradnji između Vijeća ministara BiH i Vlade Republike Turske;
 13. Davanje saglasnosti za ratifikaciju Sporazuma između Vijeća ministara BiH i Vlade Rumunije o readmisiji njihovih vlastitih državljana i stranaca;
 14. Davanje saglasnosti za ratifikaciju Sporazuma o tehničkoj saradnji između Vijeće ministara BiH i Vlade Japana;
 15. Davanje saglasnosti za ratifikaciju Ugovora između Bosne i Hercegovine i Republike Hrvatske o saradnji u oblasti prava žrtava rata u Bosni i Hercegovini koji su bili pripadnici Hrvatskog vijeća obrane i članova njihovih porodica;
 16. Davanje saglasnosti za ratifikaciju Okvirnog ugovora o kreditu između Bosne i Hercegovine i Razvojne banke Vijeća Evrope;
 17. Davanje saglasnosti za ratifikaciju Konvencije Ujedinjenih naroda protiv korupcije;

18. Davanje saglasnosti za ratifikaciju Konvencije o kibernetičkom kriminalu;
19. Davanje saglasnosti za ratifikaciju Dodatnog protokola o kibernetičkom kriminalu u vezi s kažnjavanjem djela rasističke i ksenofobične prirode učinjenih putem kompjuterskih sistema;
20. Davanje saglasnosti za ratifikaciju Sporazuma o razvojnoj saradnji između Vijeća ministara BiH i Vlade Republike Slovenije;
21. Davanje saglasnosti za ratifikaciju Sporazuma o razvojnom kreditu (projekat jačanja zdravstvenog sektora) između Bosne i Hercegovine i Međunarodne asocjacije za razvoj.

Ad-1. Odgovori na delegatska pitanja i delegatska pitanja

Odgovore na delegatska pitanja dobili su Anto Spajić i Branko Zrno.

Delegat Anto Spajić izjasnio se da je zadovoljan dobivenim odgovorom.

Delegat Branko Zrno izjasnio se da je zadovoljan dobivenim odgovorom, ali da je nezadovoljan postojećim stanjem.

Delegat Tomislav Limov postavio je sljedeća pitanja Vijeću ministara BiH:

1. Da li je na zakonit način izvršeno konstituiranje i da li zakonito funkcioniše Sekretarijat Visokog sudskog i tužilačkog vijeća BiH?
2. Da li Sekretarijat Visokog sudskog i tužilačkog vijeća BiH ima pravilnik o unutrašnjoj organizaciji, član 16., a ako ima, da li je pravilnik prošao zakonsku proceduru usvajanja (da li je i kada dostavljen Vijeću ministara BiH, da li je pribavljeno mišljenje Ministarstva finansija i trezora BiH i dr.) i da li je i kada Vijeće ministara BiH dalo saglasnost na taj pravilnik ?
3. Da li su direktor i državni službenici u Sekretarijatu Visokog sudskog i tužilačkog vijeća BiH imenovani u skladu sa Zakonom o državnoj službi u institucijama BiH i pravilnikom o unutrašnjoj organizaciji? (član 15. tačka 1.,2.,3. i član 91. tačka 4.)
4. Da li je i kada Agencija za državnu službu BiH izvršila reviziju početnog osoblja na način kako je to propisano članom 91. tačka 4., a ako jeste, kada je to učinjeno i da li postoji dokumentacija o tome?

Ad-2. Usvajanje Zapisnika 53. sjednice Doma naroda

Zapisnik 53. sjednice Doma naroda usvojen je jednoglasno.

Ad-3. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o zaštiti potrošača BiH

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o zaštiti potrošača BiH.

Ad-4. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i njegovom uništavanju

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o implementaciji Konvencije o zabrani razvoja, proizvodnje, gomilanja i upotrebe hemijskog oružja i njegovom uništavanju.

Ad-5. Zahtjev za razmatranje Prijedloga zakona o izmjenama i dopunama Izbornog zakona BiH, po hitnom postupku, u skladu s članom 99. Poslovnika – (predlagači: Halid Genjac, Ilija Filipović i Boško Šiljegović)

Rasprava o ovoj tački dnevnog reda nije vođena.

Dom naroda usvojio je Zahtjev Halida Genjca, Ilije Filipovića i Boška Šiljegovića za razmatranje Prijedloga zakona o izmjenama i dopunama Izbornog zakona BiH, po hitnom postupku, u skladu s članom 99. Poslovnika Doma naroda.

Ad-6. Zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj politici Bosne i Hercegovine, po hitnom postupku, u skladu s članom 99. Poslovnika

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj politici Bosne i Hercegovine, po hitnom postupku, u skladu s članom 99. Poslovnika Doma naroda.

Ad-7. Prijedlog budžeta institucija BiH i međunarodnih obaveza BiH za 2006. (prvo čitanje)

U raspravi o ovoj tački dnevnog reda učestvovali su: Tomislav Limov, predstavnik Vijeća ministara BiH Ljerka Marić, Velimir Jukić, Đoko Pajić, Ilija Filipović i Goran Milojević.

Dom naroda je u oba čitanja usvojio Prijedlog budžeta institucija BiH i međunarodnih obaveza BiH za 2006. sa sljedećim amandmanima:

Amandman I.

U članu 3. iznos za stavku "Mogućnost razvoja domaće proizvodnje i stimulacija" u Ministarstvu vanjske trgovine povećava se za 200.000,00 KM.

Amandman II.

U članu 3., u tabeli broj 29. Ministarstvo civilnih poslova, pod III - Program posebnih namjena, dodaje se novi redni broj "10. - Bočarskom savezu BiH za finansiranje organizovanja Svjetskog prvenstva u bočanju u iznosu od 180.000,00 KM."

Redni brojevi 10. i 11. postaju 11. i 12.

Istovremeno, u članu 3., u tabeli Rezerviranja, pod rednim brojem 1. - Tekuća rezerva, umanjuju se sredstva za navedeni iznos od 180.000,00 KM, tako da umjesto 5.000.000,00 KM treba da stoji 4.820.000,00 KM".

Amandman III.

U članu 3. u tabeli broj 29. - Ministarstvo civilnih poslova, pod III - Program posebnih namjena, dodaje se novi redni broj "13. - Podrška tehničkoj kulturi i inovatorstvu u BiH u iznosu od 200.000,00 KM".

U članu 3., u tabeli Rezerviranja, pod rednim brojem 1. - Tekuća rezerva, umanjuju se sredstva za navedeni iznos od 200.000,00 KM.

Amandman IV.

U članu 3., u tabeli broj 37. - Agencija za statistiku BiH, pod III - Program posebnih namjena, dodaje se nova stavka "Izrada projektnog zadatka za metodologiju i početak aktivnosti na popisu stanovništva u iznosu od 100.000,00 KM".

U članu 3., u tabeli Rezerviranja, pod rednim brojem 1. - Tekuća rezerva, umanjuju se sredstva za navedeni iznos od 100.000,00 KM.

Amandman V.

U članu 3. II. dio pod 3. Raspoređivanje prihoda po budžetskim korisnicima tačka 37. Agencija za statistiku BiH, pod III - Programi posebne namjene stav 3. uvećava se za 400.000 KM i iznosi 500.000 KM.

Istovremeno, u Poglavlju pod II. Indirektni transferi i rezerviranja pod 1. - Tekuća rezerva smanjuje se za navedeni iznos i iznosi 4.120.000 KM.

Amandman VI.

U članu 3., u tabeli broj 24. - Komisija za imovinske zahtjeve, pod I - Tekući izdaci, 11 - Ugovorene i druge obaveze, umanjuje se planirani iznos za sredstva u visini od 150.000,00 KM.

Istovremeno, u članu 3., u tabeli broj 29. - Ministarstvo civilnih poslova, pod III - Program posebnih namjena, 9. Finansiranje institucija od značaja za BiH, dodaju se sredstva u visini od 150.000,00 KM.

Amandman VII.

Iza člana 3. dodaje se novi član 3b), koji glasi:

"Član 3b)

Finansiranje povećanja broja zaposlenih i izdataka za plaće u institucijama BiH mora pratiti smanjivanje finansiranja adekvatnog broja zaposlenih i izdataka za plaće na nižim nivoima."

Amandman VIII.

Stav (2) člana 4. mijenja se i glasi:

„Namjensku strukturu Kapitalnih izdataka i Programa posebnih namjena budžetski korisnici obavezni su putem Ministarstva finansija i trezora BiH dostaviti na uvid Parlamentarnoj skupštini BiH do 30.6.2006. godine.“

Amandman IX.

Stav (2) člana 5. mijenja se i glasi:

“Odobrenje za uključivanje navedenih ulaganja u Budžet institucija BiH i međunarodnih obaveza BiH za 2006. daje Vijeće ministara BiH na prijedlog Ministarstva finansija i trezora BiH, a u skladu s članom 17. Zakona o finansiranju institucija BiH ("Sl.glasnik BiH, br. 61/04).”

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Halid Genjac

Vinko Radovanović

Anto Spajić

Ad-8. Prijedlog zakona o izvršenju budžeta institucija BiH za 2006. (prvo čitanje)

Rasprava o ovoj tački dnevnog reda nije vođena.

Dom naroda je u oba čitanja usvojio Prijedlog zakona o izvršenju budžeta institucija BiH za 2006. godinu sa sljedećim amandmanom:

Amandman I.

U članu 1. Prijedloga zakona na kraju teksta umjesto tačke stavlja se zarez i dodaju riječi: “u skladu sa Zakonom o finansiranju institucija BiH (“Sl. glasnik BiH”, br. 61/04)”.

S obzirom da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

Halid Genjac

Vinko Radovanović

Anto Spajić

Ad-9. Imenovanje člana Vijeća Regulatorne agencije za komunikacije BiH

Rasprava o ovoj tački dnevnog reda nije vođena.

Na prijedlog Vijeća ministara BiH, za člana Vijeća Regulatorne agencije za komunikacije BiH imenovan je Branko Todorović.

Ad-10. Izvještaj Ureda za reviziju finansijskog poslovanja (40) institucija BiH o izvršenoj reviziji za 2004. godinu

U raspravi o ovoj tački dnevnog reda učestvovali su: Ruža Stojanović, Đoko Pajić, Tomislav Limov i Mustafa Pamuk.

Dom naroda jednoglasno je usvojio sve izvještaje (40 institucija) Ureda za reviziju finansijskog poslovanja institucija BiH o izvršenoj reviziji za 2004. godinu sa sljedećim zaključcima:

- a) prihvataju se izvještaji Ureda za reviziju finansijskog poslovanja institucija BiH o reviziji budžetskih korisnika i obavezuju se svi budžetski korisnici da postupe prema nalazu revizije i preduzmu sve aktivnosti radi otklanjanja uočenih propusta u budućem radu;
- b) obavezuje se Vijeće ministara BiH da, u skladu sa zakonom i svojim nadležnostima, u najkraćem roku preduzme aktivnosti na postavljanju rukovodstva Agencije za rad i zapošljavanje BiH i Agencije za unapređenje stranih investicija u BiH i osigura uslove za njihov rad;
- c) obavezuje se Vijeće ministara BiH da uspostavi bolju saradnju sa svim budžetskim korisnicima i donese jedinstvene kriterije za trošenje budžetskih sredstava na nivou institucija BiH i način izvještavanja o njima;
- d) s ciljem poštivanja zakona i zakonitog i namjenskog trošenja budžetskih sredstava u okviru institucija BiH, traži se od nadležnih državnih organa, prije svega Finansijske policije i Tužilaštva BiH, da preduzmu mjere u okviru svoje nadležnosti za budžetske korisnike, po nalazima revizije;

- e) obavezuju se institucije BiH da, u roku od tri mjeseca od prijema ovog zaključka, izvijeste Dom naroda Parlamentarne skupštine BiH o tome šta je učinjeno po nalazima Ureda za reviziju finansijskog poslovanja institucija BiH;
- f) skreće se pažnja Vijeću ministara BiH na nalaz Ureda za reviziju finansijskog poslovanja institucija BiH u vezi s Programom revitalizacije zgrade institucija BiH i traži se da Vijeće ministara BiH razmotri date prijedloge i sugestije i u skladu s tim preduzme odgovarajuće mjere;
- g) skreće se pažnja Agenciji za državnu službu BiH da je dužna da uskladi svoje poslovanje sa zakonodavstvom Bosne i Hercegovine;
- h) Agencija za državnu službu BiH obavezna je da donosi svoje normativne akte u skladu sa zakonom u cjelini poštujući preporuke Ureda za reviziju finansijskog poslovanja institucija BiH;
- i) nalaže se Agenciji za državnu službu BiH da, u saradnji s Uredom za reviziju finansijskog poslovanja institucija BiH, u 2006. otkloni sve nedostatke u radu koji su utvrđeni revizijom poslovanja u 2004.;
- j) predlaže se Direkciji za civilno zrakoplovstvo BiH da sagleda koji zakoni u domaćem zakonodavstvu nedostaju ili predstavljaju prepreku za njen nesmetan rad, te da u skladu s tim predloži Vijeću ministara BiH njihovo donošenje ili izmjene i dopune;
- k) preporučuje se Ministarstvu komunikacija i prometa BiH da preispita transparentnost dodjele CEMT dozvola i nadzora nad radom Komisije za dodjelu CEMT dozvola;
- l) predlaže se Ministarstvu finansija i trezora BiH da sagleda mogućnost angažiranja sredstava od sukcesije u razvojne programe u Bosni i Hercegovini i na osnovu toga, u skladu sa zakonom, pokrene potrebne procedure pred nadležnim organima;
- m) traži se od Ministarstva finansija i trezora BiH ponovno pokretanje aktivnosti na donošenju Zakona o izmjenama i dopunama Zakona o namjeni i korištenju dijela imovine koju je Bosna i Hercegovina dobila po Sporazumu o pitanjima sukcesije ("Sl. glasnik BiH", br. 11/02);
- n) traži se od Ministarstva finansija i trezora BiH da ubrza aktivnosti na izradi Nacrta zakona o plaćama i naknadama u institucijama BiH;
- o) obavezuje se Ministarstvo finansija i trezora BiH da kompletira dokumentaciju o utrošku donatorskih sredstava programa posebne namjene "Stari most-Mostar" i Donatorske konferencije Mostar i o tome informira Dom naroda PSBiH;
- p) preporučuje se Ministarstvu vanjskih poslova BiH da sagleda mogućnost trajnog rješavanja problema poslovnog prostora DKP mreže pomoću programa kupovine objekata za smještaj predstavništava Bosne i Hercegovine u inozemstvu i na osnovu toga pokrene inicijativu pred nadležnim organima;
- r) traži se od Ministarstva vanjskih poslova BiH da ubrza aktivnosti u vezi s pripremom Prijedloga zakona o vanjskim poslovima i njegovog dostavljanja u parlamentarnu proceduru.

Nakon usvajanja Izvještaja Ureda za reviziju finansijskog poslovanja (40) institucija BiH o izvršenoj reviziji za 2004., sjednica je prekinuta a njen nastavak zakazan je za 10.3.2006.

Sjednica je završena u 16,15 sati.

Sjednica je počela u 10,15 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Nastavku sjednice bilo je prisutno 15 delegata.

Osim delegata, sjednici Doma naroda prisustvovali su: predstavnici Vijeća ministara BiH, predstavnici međunarodnih organizacija, pozvani gosti i predstavnici sredstava javnog informiranja.

Ad-11. Izvještaj o radu Državne regulatorne komisije za električnu energiju u 2005.

U raspravi o ovoj tački dnevnog reda učestvovao je Hasan Čengić.

Dom naroda jednoglasno je usvojio Izvještaj o radu Državne regulatorne komisije za električnu energiju u 2005., sa sljedećim zaključcima:

1. Dom naroda predlaže da se ovom izvještaju doda kratak izvod iz Izvještaja o finansijskom poslovanju DERK-a za 2005. i da naredni godišnji izvještaji obavezno sadrže i ovaj aspekt djelovanja;
2. Traži se od DERK-a da konačni nacrt odluke o obimu, uslovima i vremenskom rasporedu otvaranja tržišta električne energije u Bosni i Hercegovini dostavi Komisiji na uvid;
3. Traži se od Vijeća ministara BiH i entitetskih vlada da izrade plan socijalne zaštite stanovništva u vezi s plaćanjem električne energije do kraja aprila 2006. i dostave prijedlog tog plana Parlamentarnoj skupštini BiH na znanje do 15.5.2006.

Ad-12. Davanje saglasnosti za ratifikaciju Protokola o saradnji između Vijeća ministara BiH i Vlade Republike Turske

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju Protokola o saradnji između Vijeća ministara BiH i Vlade Republike Turske.

Ad-13. Davanje saglasnosti za ratifikaciju Sporazuma između Vijeća ministara BiH i Vlade Rumunije o readmisiji njihovih vlastitih državljana i stranaca

U raspravi o ovoj tački dnevnog reda učestvovao je Hasan Čengić.

Dom naroda jednoglasno je dao saglasnost za ratifikaciju Sporazuma između Vijeća ministara BiH i Vlade Rumunije o readmisiji njihovih vlastitih državljana i stranaca.

Ad-14. Davanje saglasnosti za ratifikaciju Sporazuma o tehničkoj saradnji između Vijeća ministara BiH i Vlade Japana

U raspravi o ovoj tački dnevnog reda učestvovao je Hasan Čengić.

Dom naroda jednoglasno je dao saglasnost za ratifikaciju Sporazuma o tehničkoj saradnji između Vijeća ministara BiH i Vlade Japana.

Ad-15. Davanje saglasnosti za ratifikaciju Ugovora između Bosne i Hercegovine i Republike Hrvatske o saradnji u oblasti prava žrtava rata u Bosni i Hercegovini koji su bili pripadnici Hrvatskog vijeća obrane i članova njihovih porodica

U raspravi o ovoj tački dnevnog reda učestvovali su: Hasan Čengić, Osman Brka, Halid Genjac, Tomislav Limov, Velimir Jukić, Đoko Pajić, Vinko Radovanović, Ilija Filipović i Anto Spajić.

U raspravi vezanoj za davanje saglasnosti za ratifikaciju Ugovora između Bosne i Hercegovine i Republike Hrvatske o saradnji u oblasti prava žrtava rata u Bosni i Hercegovini koji su bili pripadnici Hrvatskog vijeća obrane i članova njihovih porodica, Klub delegata bošnjačkog naroda pokrenuo je pitanje vitalnog nacionalnog interesa. Klub delegata Hrvatskog naroda u Domu naroda,

u pisanom obliku izjavio je protivljenje Izjavi bošnjačkog naroda. U skladu s Poslovnikom Doma naroda, rasprava o ratifikaciji Ugovora prekinuta je dok se pitanje ne riješi. Klubovi naroda u Domu naroda imenovali su po jednog člana u Zajedničku komisiju, koja treba da se sastane u roku od pet dana i pokuša naći rješenje. Za članove Zajedničke komisije imenovani su: Halid Genjac, Vinko Radovanović i Velimir Jukić.

Ad-16. Davanje saglasnosti za ratifikaciju Okvirnog ugovora o kreditu između Bosne i Hercegovine i Razvojne banke Vijeća Evrope

U raspravi o ovoj tački dnevnog reda učestvovao je Hasan Čengić. Dom naroda jednoglasno je dao saglasnost za ratifikaciju Okvirnog ugovora o kreditu između Bosne i Hercegovine i Razvojne banke Vijeća Evrope.

Ad-17. Davanje saglasnosti za ratifikaciju Konvencije Ujedinjenih naroda protiv korupcije

U raspravi o ovoj tački dnevnog reda učestvovali su: Hasan Čengić, Tomislav Limov i Đoko Pajić. Dom naroda jednoglasno je dao saglasnost za ratifikaciju Konvencije Ujedinjenih naroda protiv korupcije.

Ad-18. Davanje saglasnosti za ratifikaciju Konvencije o kibernetičkom kriminalu

U raspravi o ovoj tački dnevnog reda učestvovali su Hasan Čengić i Tomislav Limov. Dom naroda jednoglasno je dao saglasnost za ratifikaciju Konvencije o kibernetičkom kriminalu.

Ad-19. Davanje saglasnosti za ratifikaciju Dodatnog protokola o kibernetičkom kriminalu u vezi s kažnjavanjem djela rasističke i ksenofobične prirode učinjenih putem kompjuterskih sistema

U raspravi o ovoj tački dnevnog reda učestvovao je Hasan Čengić. Dom naroda jednoglasno je dao saglasnost za ratifikaciju Dodatnog protokola o kibernetičkom kriminalu u vezi s kažnjavanjem djela rasističke i ksenofobične prirode učinjenih putem kompjuterskih sistema.

Ad-20. Davanje saglasnosti za ratifikaciju Sporazuma o razvojnoj saradnji između Vijeća ministara BiH i Vlade Republike Slovenije

U raspravi o ovoj tački dnevnog reda učestvovao je Hasan Čengić. Dom naroda jednoglasno je dao saglasnost za ratifikaciju Sporazuma o razvojnoj saradnji između Vijeća ministara BiH i Vlade Republike Slovenije.

Ad-21. Davanje saglasnosti za ratifikaciju Sporazuma o razvojnom kreditu (projekat jačanja zdravstvenog sektora) između BiH i Međunarodne asocjacije za razvoj

U raspravi o ovoj tački dnevnog reda učestvovao je Hasan Čengić. Dom naroda jednoglasno je dao saglasnost za ratifikaciju Sporazuma o razvojnom kreditu (projekat jačanja zdravstvenog sektora) između BiH i Međunarodne asocjacije za razvoj.

Sjednica je završena u 14,20 sati.

Sastavni dio ovog zapisnika je neautorizirani transkript 54. sjednice Doma naroda.

SEKRETAR
DOMA NARODA
Jadranko Tomić

PREDSJEDAVALAČI
DOMA NARODA
Mustafa Pamuk